

ՀԱՍՏԱՏՎԱԾ Է

ԵՊՀ Իջևանի մասնաճյուղի

Գիտական խորհրդի նիստում

Գիտական խորհրդի նախագահ

Ս. ԱՌԱՔԵԼՅԱՆ



ԿԱՆՈՆԱԿԱՐԳ

ԵՊՀ ԻՄ ՇՐՋԱՆԱՎԱՐՏՆԵՐԻ ՎԵՐԱԲԵՐՅԱԼ ԱՐՏԱՔԻՆ ՇԱՀԱԿԻՑՆԵՐԻ ԿԱՐԾԻՔԻ  
ՈՒՍՈՒՄՆԱՍԻՐՈՒԹՅԱՆ

**1. Ընդհանուր դրույթներ**

1.1. ԵՊՀ ԻՄ շրջանավարտների վերաբերյալ արտաքին շահակիցների կարծիքի ուսումնասիրության հարցման (այսուհետև՝ հարցման) կանոնակարգը սահմանում է ԵՊՀ ԻՄ արտաքին շահակիցների շրջանում, անցկացվող հարցման անցկացման, արդյունքների մշակման և օգտագործման կարգը:

1.2. Հարցումն անց է կացվում «Կրթության մասին» ՀՀ օրենքի, ԵՊՀ ԻՄ-ի կանոնադրության, ԵՊՀ Որակի ապահովման հայեցակարգի, ԵՊՀ կրթական ծրագրերի ընթացիկ մոնիթորինգի (մշտադիտարկման) և պարբերական վերանայման կարգի և ՌԾ-ի պահանջներին համապատասխան և համարվում է արտաքին շահակիցների կողմից ուսուցման որակն ապահովող գործառույթներին մասնակցելու և ՄԿԾ արդյունավետությունը գնահատելու իրավունքի դրսևորում:

1.3. Հարցումը կրթական ծրագրերի որակի ապահովման կարևորագույն բաղադրիչ է, որի անցկացման նպատակն է ստանալ տեղեկատվություն մասնաճյուղի շրջանավարտների մասնագիտական և անձնային կոմպետենցիաների, ընդհանրական կարողությունների, դասավանդվող մասնագիտությունների պահանջվածության և նոր մասնագիտությունների առաջարկությունների, աշխատաշուկայում մասնաճյուղի շրջանավարտների մրցունակության վերաբերյալ:

## *2. Հարցման անցկացումը*

- 2.1. Հարցումն անց է կացվում է տարածաշրջանի գործատու կազմակերպությունների (տեղական ինքնակառավարման մարմինների, ուսումնական հաստատությունների, տարբեր հասարակական կազմակերպությունների, տնտեսվարող սուբյեկտների) շրջանում:
- 2.2. Հարցումն իրականացվում է յուրաքանչյուր տարվա փետրվար-մայիս ամիսներին:
- 2.3. Հարցումն անցկացվում է մասնաճյուղի շրջանավարտների և կարիերայի կենտրոնի կողմից:
- 2.4. Հարցումն անցկացվում է սույն կանոնակարգին կից ներկայացված գնահատման հարցաթերթով (տե՛ս հավելված 1):
- 2.5. Հարցումն անանուն է և անց է կացվում թղթային եղանակով:

## *3. Հարցման արդյունքների մշակումը և պահպանումը*

- 3.1. Հարցման արդյունքները մշակվում, վերլուծվում և պահպանվում են շրջանավարտների և կարիերայի կենտրոնում:
- 3.2. Հարցման արդյունքները ներկայացվում են յուրաքանչյուր հարցապնդման պատասխանի համար հաշվարկված գնահատականների միջին թվաբանականով, միջին քառակուսային շեղումով<sup>1</sup> և ստացած յուրաքանչյուր գնահատականի քանակով:
- 3.3. Հարցաթերթերն ունեն կայծիքների և առաջարկությունների բաժիններ, որոնց արդյունքները մշակվում և ներկայացվում են ուսումնառության բարելավմանը միտված ընդհանրացված առաջարկությունների տեսքով:
- 3.4. Հարցման արդյունքների մշակումն ու վերլուծությունը կատարվում է մեկամսյա ժամկետում:
- 3.3. Հարցաթերթում գնահատականների ուղղումները չեն հաշվարկվում:

---

<sup>1</sup> Միջին քառակուսային շեղումը ցույց է տալիս գնահատումների շեղման չափը միջին թվաբանականից: Որքան մեծ է միջին քառակուսային շեղումը, այնքան հարցման մասնակիցների անհատական գնահատումներն ավելի լայն տիրույթում են ցրված:

3.4. Գնահատման հարցաթերթերը և վերլուծությունները պահվում են 5 տարի:

#### **4. Հարցման արդյունքների օգտագործումը**

4.1. Հարցման վերլուծությունները շրջանավարտների և կարիերայի կենտրոնի ղեկավարը քննարկում է /ներկայացնում է/ որակի կառավարման հանձնաժողովի, ուսումնամեթոդական վարչության, մասնագիտական կրթության որակի ապահովման (ՄԿՈԱ) բաժնի հետ:

4.2. ՈՒՄՎ-ն հարցման արդյունքների վերլուծությունների հիման վրա ֆակուլտետների ղեկանների, ամբիոնների վարիչների հետ քննարկում և մշակում է ուսումնառության գործընթացի և կրթական վերջնարդյունքների ձևավորման ուղղված առաջարկությունների փաթեթ:

4.3. Ֆակուլտետների ղեկանները մեկամսյա ժամկետում առաջարկությունների փաթեթի հիման վրա մշակում են ֆակուլտետում բարելավման գործողություններ ու միջոցառումներ և ներկայացնում ֆակուլտետի ԳԽ-ի հաստատմանը, որտեղ նշվում են դրանց իրականացման ժամկետները և պատասխանատուները:

4.4. Հարցման արդյունքների վերաբերյալ տեղեկատվությունը հրապարակվում է Մասնաճյուղի պաշտոնական կայք էջում:

#### **5. Կարգի հաստատումը և նրանում փոփոխությունների իրականացումը**

5.1. Մույն կանոնակարգը հաստատում է մասնաճյուղի գիտական խորհուրդը:

5.2. Կանոնակարգում փոփոխություններ և լրացումներ կարող են կատարվել մասնաճյուղի.

5.2.1. տնօրենի,

5.2.2. գիտական խորհրդի անդամների

5.2.2. որակի կառավարման հանձնաժողովի առաջարկությամբ՝ գիտական խորհրդի որոշմամբ:

ԵՊՀ Իջևանի մասնաճյուղի շրջանավարտների վերաբերյալ արտաքին շահակիցների կարծիքի ուսումնասիրության

Հ Ա Ր Յ Ա Թ Ե Ր Թ

Հարգելի՛ շահակիցներ, ԵՊՀ Իջևանի մասնաճյուղը կարևորում է ձեր կարծիքը և վստահեցնում, որ ձեր անկեղծ ու օբյեկտիվ պատասխանները կօգնեն բարելավելու մասնաճյուղի գործունեությունը:

Հետազոտությունն անանուն է, և ստացված տվյալները կօգտագործվեն միայն ընդհանրացված տեսքով:

Խնդրում ենք լրացնել հարցաթերթը և գնահատել 5 միավորանոց սանդղակով, որտեղ 5-ը ամենաբարձր, իսկ 1-ը ամենացածր գնահատականն է:

Թիվ	Գնահատեք մեր շրջանավարտների.	Գնահատականը				
1.	մասնագիտական պատրաստվածությունը					
2.	տեսական գիտելիքների իմացությունը					
3.	գործնական հմտությունները					
4.	հաղորդակցվելու կարողությունները					
5.	կազմակերպչական կարողությունները					
6.	ստեղծագործական մոտեցումները մասնագիտական գործընթացում					
7.	քննադատական - վերլուծական կարողությունները					
8.	տարբեր իրավիճակներում արագ և ճիշտ կողմնորոշվելու կարողությունները					
9.	խնդրահարույց հարցեր առաջադրելու և դրանց լուծման արդյունավետ ուղիներ փնտրելու կարողությունները					
10.	մասնագիտական խոսքը					
11.	վարվեցողության կանոններին և էթիկայի նորմերին հետևելը					
12.	աշխատանքային պատասխանատվությունը					
13.	թիմային աշխատանք կատարելու ունակությունները					
14.	գործընկերներին գնահատելու և նրանց օգտակար լինելու կարողությունները					
15.	ինքնազարգացման ձգտումը					
16.	Գնահատեք ԵՊՀ ԻՄ-ի հեղինակությունը.	<table border="1"> <tr> <td>Ձեր կազմակերպությունում</td> <td></td> </tr> <tr> <td>տարածաշրջանում</td> <td></td> </tr> </table>	Ձեր կազմակերպությունում		տարածաշրջանում	
Ձեր կազմակերպությունում						
տարածաշրջանում						
17.	Խորհուրդ կտա՞ք Ձեր մերձավորներին և ընկերներին դիմել ԵՊՀ ԻՄ /այո կամ ոչ/:					

18.	Ձեր կարծիքով ԵՊՀ ԻՄ-ում ի՞նչ նոր մասնագիտության և/կամ մասնագիտացման կարիք կա: ..... ..... .....
19.	Որքանո՞վ են ԵՊՀ ԻՄ-ի շրջանավարտների մասնագիտական գիտելիքները մրցունակ աշխատանքի շուկայում: ..... ..... .....
20.	Աշխատանքի ընդունելիս հատկապես ի՞նչն էք կարևորում ..... ..... .....
21.	ԵՊՀ ԻՄ-ի շրջանավարտների մասնագիտական և մանկավարժական ի՞նչ որակներ կցանկանայիք փոխել . ..... ..... .....
22.	ԵՊՀ ԻՄ-ի շրջանավարտների ո՞ր առավելությունները կցանկանայիք ընդգծել. ..... ..... .....
23.	<u>Ձեր առաջարկները</u> ..... ..... ..... .....

Ձեր կազմակերպությունում աշխատող ԵՊՀ ԻՄ-ի շրջանավարտների քանակը \_\_\_\_  
 Նրանցից քանի՞սն են աշխատում իրենց մասնագիտությամբ \_\_\_\_  
 Նրանցից քանի՞սն են աշխատանքի ընդունվել մրցույթով \_\_\_\_

Շնորհակալություն հարցմանը մասնակցելու համար: